

No.J.12019/22/2020-DC(KZL)
OFFICE OF THE DEPUTY COMMISSIONER
KHAWZAWL DISTRICT : KHAWZAWL

Khawzawl, the 24th October, 2020

To,

The Chairman
All Village Level Task Forces
Khawzawl District, Mizoram

Subject: Covid-19 No Tolerance Fortnight chungchang.

Thawhpui duh tak,

Kan hriat theuh angin tunhnaiah Mizoram chhungah Covid-19 vei, khawi atanga kai nge tih leh kai chhan hriatchian loh an pungchho zel a. Mizoram sawrkar chuan he hri hi community spread (khawtlanga inkaidarh) a awm tan tawhah a ngai a ni.

He community spread hi dan chah a nih ngei theih nan leh, Covid-19 laka kan himna tur leh inven dan tur thupek leh inkaihhraina a lo tihchhuah tawh zawng zawngte chu khauh lehzuala kenkawh a nih theih nan Mizoram sawrkar chuan October ni 26, 2020 atanga November ni 9, 2020 thleng **“Covid-19 No Tolerance Fortnight”** atan a puang a. Tin, Sawrkar laipuiin Covid-19 chungchanga inzirtirna “Jan Andolan Campaign” a kalpui mek avangin, hemi hun chhung hian mipui zirtirna tam thei ang ber kalpui tur a ni bawk. He order (No. B. 13021/101/2020-DMR/VoI-II/Pt_II dt. 23.10.2020) hi ka rawn thawn tel nghal a che (Annexure-I)

Covid-19 No Tolerance Fortnight chhung hian The Mizoram (Containment and Prevention of the Spread of COVID-19) Act, 2020 in mipui te zawm tura a tihte leh Sawrkar thupek dangte chu ngaihnhathiamna awm lo a khauh taka kenkawh tur a ni a. Khawzawl District chhunga Village Level Task Force-te pawhin khawng taka lo kengkawh a, hma lo la turin kan han inhriattir a. Hemi hunchhunga sawrkarin VLTF tihtur a ruatte pawh a hnuaiah tarlan a ni:

- i) Dan bawhchhiate chu man a, danin a phut anga pawisa chawitir nghal zel tur an ni a. Heng an pawisa chawi atanga zaa sawmnga (50%) chu sawrkarah chhunluh tur a ni a, a zatve chu VLTF kutah a awm thung ang.
- ii) Veng/Khaw chhung hmun langsar laiah Covid-19 laka inven dan tarlang thei poster tar theuh tur a ni. Sawrkar laipuiin banner model an siam chu entirna atan ka rawn thawn tel nghal e (Annexure II).

- iii) Covid-19 No Tolerance Fortnight chhung hian Tlangau kaltlangin nikhatah vawi thum (zing, chhun, zan) tal Covid-19 hrileng laka him theihna tur inzirtirna au thin tur a ni. He hunah hian mask vuah that, kut silfai ngun leh midang nena inhnaih loh (social distancing) pawimawhna te uar taka puan thin tur a ni ang. He fortnight chhung hian tumah inngaihnathiamna awm lova dan bawhchhiate chu pawisa chawitir zel tur a ni tih uar tak a puanzar bawk ni se.

Khauh zawka dan kenkawh a nih theih nan Khawzawl District chu Zone hrang hrang pakua (9) ah thendarh niin, Zone tinah hian 'Covid-19 Executive Duty Team' din a ni a. Heng team-ah te hian VLTF te chu sawrkar hnathawk leh police mi leh sa ten an belh dawn a ni. Zone hrang hrang then dan leh team member te chu chiang zawka inhriattir a ni ang. Tin, Mizoram sawrkarin Covid-19 dona atana dan (SOP & Guideline) zawm leh zawm lo enzui dan tur a tihchhuah chu ka rawn thawn tel bawk a che. (Annexure III)

Covid-19 hrileng laka mimal, chhungkua leh khawtlang kan him a, a darh zel tur kan dan chah theih nan No Tolerance Fortnight leh a hnulam zelah pawh ram leh khawtlang tan theihtawp chhuah a thawhpuiah ka sawm a che.

Ka lawm e.

I rintlak,



(ZOTHANMAWIA)
Deputy Commissioner
Khawzawl District, Khawzawl